

4

توركل بوردي

جل: 1 Sayr: 4 29 kaimu ewel 1327

توركلرك فاندسته جالشير
اون بش كونده بر چيقار

ظهور ایتدی . مانجه ئیسم ، (مانیک) عیسی ، زردشت و بوددا دینلرینی ایرانیلرک قدیم و ملی مذهباری اولان ایکلیک (Dualisme) فیکریله قاریشديره رق ، اورتیه یکی وجهانشمول بر دین چیقارمق تشبث عظیمی ایدی . بوتشبنه ، نصرانی وزرشتیلر قارشى کلدیلر . مانیک ، نصرانی وزرشتیلرله مصادمه سنده تماماً یکیلدی ، وشدتله تضیق و تعقیبه اوغرادی . بر درجه ده که ، غربی آسیا ، اروپا و آفریقاده مانیلرک ایزی بيله قالمادی ؛ معارض دینلر ، اولنرک آثار صناعیه سندن ، اولنرک ادبیاتندن الک اوافق شیلره وارنجه یه دکین محو ایتدیلر . بوقدر شدتله تعقیب اولونان زواللی دین ، آنجق تورکستانده برملجاً بولایلیدی . وبویاغمورسز قطعه ده ، یدی قوت شهرینک خرابه لرنده ، مانی صنایع و ادبیاتنک بقایاسی ، شمدی یه قدر ، صاقلانوب قالدی .

مورخ لئون قاهون و معلم بارتولده کوره

چنکیز خان

(باشی برنجی صابیده)

تیوجینک چنکیز خان اریشی

افندیلر ،

تیوجین ، نه زمان چنکیز خانه عنوانی آلدی ؟ چنکیز نه دیمکدر ؟ چنکیز کلهسی زره دن کلیر ؟ بو عنوانی تیوجینه کیم ویردی ؟ بوسواللرک جوابی تاریخ ، هنوز ، قطعی بر صورتده ، ویره میور . رسمی عنعناته کوره ، تیوجین ، ۱۲۰۶ تاریخ میلادیسنده ، یعنی جاموخادن قورتیلوب ، شرقی و غربی مونغول - استانده اوطوران ویا کزن مونغول ، تاتار و تورک قبیله لرینی برلشدیروب ، کندیسنه تابع و مطیع قلیمه سی عقینده درکه چنکیز خان اعلان اولونمشدر . قهرمان دستانلرینه کوره ، ۱۱۸۹ سنه سی ، که روله ن چایرنده ، مونغوللر قاآنی انتخاب ایدیلدیکی زمان چنکیز خان لقبی آلمشدر . مونغول مورخی ساتانغ - سه تهن ، تیوجینک ، اصیلزاده آرقداشاری طرفندن مونغوللر قاآنی سچلمه سی

نقل ایدەركن شوماصالی آكلاتیور : « تیموچینك قآن اولهرق قبول واعلان کونندن اولکی اوچ صباح ، چالی قوشنه بکزه ریش رنیکلی برقوش کلوب ، درت کوشهلی برطاش اوزرینه قونوب ، متصل : « چین غز » دییه اوتردی ... وایشته بوقوشك اوتیشندن درکه تیموچینك اسمی ، چینغر قآن دییه عالمه مشهور اولدی ... اوچ کون صوکره ، قوشك قوندینی درت کوشهلی طاش یاریلوب ، ایچندن ماصی نور دنیان مهر چیتدی . بو مهر برخورما آغاجی قدر اوزون وکنیش ایدی . تام یازی یرنده برقابلومبغه وقابلومبغه نك اطرافنده ایکی اژدر رسمی بولئوردی . « بومصاله نظر آ ، تیموچین ۱۱۸۹ سنهسی ، چنکیز قآن عنوانی آلمشدر .

افندیلر ، اسکی تورک ایمپراطورلغنك رسمی مهری ، ایکی اژدر آره سنده بر قابلومبغینی مصوردی . بوجهتله طاش ایچندن کرامتله چقان خورما آغاجی قدر عظیم مهر ، اسکی بویوک تورک ایمپراطورلغنك مهر رسمیسیدرکه « چنکیز » دییه اوتەن مقدس قوشك ارانه سیله تیموچینه کچور . افسانه نك مالی وانخدر : تیموچین آرقداشلرینك انتخابله موغوللر قآنی اولدینی زمان ، برقوة مغویه دلالتله ، اسکی بویوک تورک ایمپراطورلرینك ده خانی اولمشدر .

تیموچینك چنکیزخان اعلان اولیشنی ، موسیو ، قاهون ، عنعنات رسمیه دن آلهرق شویله حکایه ایدیور : ۱۲۰۶ سنهسی ، تیموچین ، ایلک ۹ بیاض قویروقلی طوغیله عائله سنك روح حامیسنه مخصوص ۴ قاره قویروقلی طوغنی ، اسکی تورک ایمپراطورلغنك پایتختی اولان قاره قوروم شهرینه کیترتوب دیکدیردی . خانلری ، تارخانلری ، آق سویاکلری ، بواسکی اولوغ شهرده دلیگون بولداق تپه سنده قورولطای طوپلادی . بک اسکی زمانلردنبری ایل خانلرینی ، یعنی تورک ایمپراطورلرینی ، قورولطای ، یعنی ایلک اولوغلرندن ، خان ، تارخان و آق سویاک اوت جیکینلرندن قوروله مجلس انتخاب ایدردی . انتخاب مراسمی ، ایل خان اوله جق کیمسه نی برکیز (کچه) اوزرینه قویوب ، طوقوز دفعه کوتهرمک (قالدیرمق) ایدی . قاره قورومده قورولمش قورولطای ، تیموچینی خان کوتوردی . تیموچین ، چوق قوللانش ایل خان عنوانی آلمق ایسته مدی ،

كنديسنه خاص اولق اوزره چنكىزخان ، ياخود چنكىز قان عوانى آلدی .
 افنديلر ، چنكىز كلهسنگ معناسى هنوز محققاً معلوم دكلدر . لئون قاهون ،
 مونغولجه اكيلمز ، بوكولمز ، مطلق معناسه در ، ديور ، صوكره اسكى تورك
 خانلرينك قوللاندقارى چين - يو ، يعنى مشهور ، پارلاق ، كلهسندن گلش اولماسى ده
 محتملدر ، ديه ترددى كوستريوز . بارتولدك تدقيقاته كوره ، چنكىز شامانلرك
 طابندقارى روحلردن بريسنگ اسمى اولسه كر كدر . جوينى ، چنكىز لقبك ،
 تيموجينه كوچكوتپ تكرى طرفندن ويريلديكى حكايه ايدىورك بوندن لقبك
 قدسيته انتقال جاژدر . بانزاروف نامنده بروس مدقئى ، مونغول آل يازمه
 كتابلرينى قارشيديريركن خاجير - چنكىز - تكرى آدى برشامان روحنه راست
 كلشدر . برآز اول ، « ساتانغ - سه تسهن » دن نقلاً سويلديكم قوش حكايه سى ده
 چنكىز لقبك روحانى ومقدس اولسنه دلالت ايدر .

كور يورسكز كه افنديلر ، تيموجينك نه زمان وزره ده چنكىزخان اعلان اولندينى
 وچنكىزخانك نه معنايه كلديكى تماماً معلوم دكلدر . انجق تيموجينك بو عنوان
 مقدسى قره قورومده ، برقورولطاي دن آلمش اولمى محتملدر . فقط نه اولورسه
 اولسون ، تيموجينك ، چنكىزخان اعلان اولنشى ايله اسكى تورك ايمراطورلقلارى
 آره سنده بر رابطه واردر : تيموجين ، مونغولستان قبيله لرينى ، آلئنده
 برلشيدردكن صوكره ، اسكى تورك ايل خانلغى احيا ايدىورك ، بوتون تورك
 تاتار ، مونغول قوملرينى توحيد ايله مك ايسته مشدر .

— صوگى كلهجك صايده —

تورك عالمده

تورك عالمى نك كچن آي ظرفنده ياشاديني وقايع سوينيله جك كى دكل :
 تاخان بالق دن غرب اوجاقلرينه قدر بوكنیش عالمده اختلال ، جنك ، آتش ،
 قان وغوغا وار .